

Ágætu nemendur 8. til 10. bekkja:

Nú stýttist í að grunnskólum ljúki og sumarfrí taki við. Að vanda stendur Ísafjarðarbær fyrir rekstri vinnuskóla í júní og júlí. Starfsemi Vinnuskólans verður með svipuðu sniði og áður en boðið verður upp á eina nýjung og það er sjávarútvegsskóli.

Boðið verður upp á vinnu í:

Almennri deild, þjónustudeild (viðhaldi, slætti og fleiru), á leikskólum, vinnu á golfvallarsvæði, aðstoð við siglingarnámskeið Sæfara, aðstoð við leikjanámskeið og/eða við íþróttamannvirki og öðrum verkum sem til falla

Veikindi:

Þeir unglingar sem eru með ofnæmi sem gæti haft áhrif á vinnuafköst þurfa að skila læknisvottorði með umsókn. Brýnt er að taka inn ofnæmislyf áður en mætt er til vinnu. Því miður getur Vinnuskólinn ekki ábyrgst að þeir starfsmenn sem hafa ofnæmi fyrir frjókornum fái vinnu þar sem þeirra er ekki að gæta, en reynt verður eftir fremsta megni að koma til móts við óskir allra. Tilkynna þarf veikindi til yfirflokkstjóra en ekki eru greidd laun í veikindaleyfi.

Starfstími:

Vinnuskólinn hefur störf klukkan 08:00 að morgni og lýkur störfum klukkan 14:00. Ekkert hádegishlé verður, en langur kaffitími er um klukkan 10:30.

Starfstímabilið er frá 6. júní til 29. júlí. Árgangi '00 verður boðið upp á starf í sex klukkustundir á dag í átta vikur, árgangi '01 í sjö vikur og árgangi '02 í sex vikur. Gera þarf grein fyrir þeim tíma sem börn vilja vinna í umsókn sinni. Hugsanlega má fá framlengingu á vinnuvikum ef unglingur sýnir áhuga og dugnað.

Á smærri byggðarkjörnum verður í boði að vinna 6. júní – 15. júlí. Ef einhverjar séróskir eru varðandi starfstíma þurfa þær að koma fram í starfsumsókninni.

Reglur:

Vinnuskólinn er reyklaus vinnustaður. Á þetta við um alla starfsmenn, jafnt fullorðna stjórnendur sem unglinga. Þá verður neysla sælgætis og gosdrykkja eingöngu leyfð við sérstök tækifæri, s.s. uppskeruhátíðir o.p.h. **Notkun GSM síma er einungis leyfð í sérstökum tilfellum á vinnutíma.** Starfsmenn þurfa að hafa með sér nesti, vera klæddir í samræmi við veður og hafa góða vinnuhanska. Illa klæddir starfsmenn geta átt það á hættu að vera sendir heim og tapa þá launum þann dag. Starfsmönnum ber að sýna hvor öðrum virðingu og tillitsemi og vera sjálfum sér, vinnuhóp sínum og vinnustað til sóma. Starfsmenn þurfa að fara eftir leiðbeiningum og fyrirskipunum flokkstjóra sinna. Leti er ekki liðin. Ef samskiptavandamál koma upp, munu yfirstjórnendur taka á því. Starfsmaður sem fer ekki eftir fyrirmælum og reglum Vinnuskólans á það á hættu að missa vinnu sína.

Almennt um Vinnuskólann:

Vinnuskólinn starfar á vegum Ísafjarðarbæjar. Forstöðu Vinnuskólans hefur sviðsstjóri skóla- og tómstundasviðs með höndum, en yfirflokkstjóri sér um daglegt starf. Verkefni skólans eru fjölmörg, en miðast flest að fegrun umhverfisins og munu umhverfismál vera í brennidepli.

Þann 6. júní eiga allir sem hefja störf að mæta til vinnu kl. 08.00 að Austurvegi 9 þar sem skrifstofa vinnuskólans verður til húsa í kjallara Sundhallarinnar. Hægt er að fá svör við fyrirspurnum í síma 450 8052.

Um starfið:

Starf Vinnuskólans fer fram á milli klukkan 08:00 og 14:00 alla virka daga, en flokkstjórar og starfsmenn skrifstofu starfa fram á seinni hluta dags. Ef erfitt reynist vegna fámennis að mynda hóp í einhverjum af smærri byggðarkjörnunum, geta unglingar þeirra staða búið við að þurfa sækja vinnu til Ísafjarðar og nýta þá áætlunarferðir. Reynt verður þó að haga störfum þannig að sem flestir geti unnið sem mest á sínum heimaslóðum.

Vinnustundir og áætluð laun má sjá í neðangreindri töflu:

Fæðingarár	Vinnustundir á dag	Tímakaup	Vikukaup
2002	6 klst.	Kr. 500	Kr. 15.000
2001	6 klst.	Kr. 650	Kr. 19.500
2000	6 klst.	Kr. 800	Kr. 24.000

Vinnuskólinn verður settur mánudaginn 6. júní kl. 08:00.

Umsókn um starf í Vinnuskóla Ísafjarðarbæjar sumarið 2016

Umsóknarfrestur er til og með 18. maí 2016

Nafn	Kennitala
Heimili	Sími
Skóli	Símanúmer foreldris

Banki, höfuðbók og reikningsnúmer **-MJÖG ÁRÍÐANDI ER AÐ FYLLA ÞENNAN REIT ÚT-
skráð á viðkomandi**

Allir sem voru að klára 10. bekk eiga að skila skattkorti

Starfstími sem sótt er um

Vinnuskólinn hefur starfsemi sína 6. júní n.k. og lýkur allri starfsemi 29 júlí. Bækistöðvar Vinnuskólans eru á Austurvegi 9 og Fjarðarstræti 10 í bakhúsi og þangað mæta unglingar til vinnu þann dag sem þeim er ætlað að byrja. Unglingar á Þingeyri mæta við íþróttamiðstöðina á Þingeyri.

Hvenær er sótt um starf

Einhverjar séróskir eða athugasemdir

Vinsamlegast getið um ef einhverskonar ofnæmi, sjúkdóma eða erfiðleika er að ræða hjá viðkomandi. Farið verður með þær upplýsingar sem trúnaðarmál.

Ef sótt er um annað en almenna deild skal gera það hér.

Athugasemdir/Séróskir

Á umsækjandi hjálm og reiðhjól sem hann getur nýtt við störf? Já _____ Nei _____

Ég undirritaður sæki hér með um vinnu hjá Vinnuskóla Ísafjarðarbæjar. Ég mun leggja mitt af mörkum til þess að bæta vinnustað minn, m.a. fara eftir þeim reglum og fyrirmælum sem yfirmenn mínir leggja fyrir, sýna öðrum vinnufélögum tillitsemi og virðingu og taka þátt í að skapa jákvæðan starfsanda.

Dags og undirskrift umsækjanda

Staðfesting foreldris/forráðamanns

Umsóknnum skal skila á skrifstofu Félagsmiðstöðvar, Kjallara Sundhallarinnar Austurvegi 9